



Kinn kommune

Arkiv:

JournalpostID: 22/34968

Sakshandsamar: Astrid Landsverk
Sande

Dato: 19.05.2022

Saksframlegg

Saksnr.	Utval	Møtedato
008/22	Kontrollutvalet	24.05.2022

Rekneskap og årsmelding 2021 Bordgleder KF

Dagleg leiar si tilråding

1. Kontrollutvalet viser til revisjonsmelding for 2021 datert 10.05.2022.
2. Kontrollutvalet meiner den framlagde årsrekneskapen, som viser eit positivt netto driftsresultat på kr 530 301, kan godkjennast. Årsrekneskapen består av:
 - a. balanse per 31.12.2021
 - b. oversikt over løyvingar til drift og investeringar
 - c. økonomisk oversikt drift
 - d. oversikt over samla budsjettavvik og årsoppgjersdisposisjonar
 - e. notar og oversikt over viktige rekneskapsprinsipp
1. Kontrollutvalet meiner at selskapet har god ein god jobb med betring av økonomistyringa, og meiner at det framleis må ha sterk fokus.
2. Kontrollutvalet ber om at alle krav i kommunelova §14-7 blir med i årsmeldinga frå neste år, men meiner likevel at årsmeldinga for 2021 kan godkjennast.
3. Kontrollutvalet har motteke brev frå revisor om feil i utrekninga av arbeidsgjevaravgift.

Kontrollutvalet 24.05.2022:

Handsaming:

Dagleg leiar Halvor Halvorsen orienterte og svarte på spørsmål.

KOUT- 008/22 Vedtak:

1. Kontrollutvalet viser til revisjonsmelding for 2021 datert 10.05.2022.
2. Kontrollutvalet meiner den framlagde årsrekneskapen, som viser eit positivt netto driftsresultat på kr 530 301, kan godkjennast. Årsrekneskapen består av:
 - a. balanse per 31.12.2021
 - b. oversikt over løyvingar til drift og investeringar
 - c. økonomisk oversikt drift
 - d. oversikt over samla budsjettavvik og årsoppgjersdisposisjonar
 - e. notar og oversikt over viktige rekneskapsprinsipp
3. Kontrollutvalet meiner at selskapet har gjort ein god jobb med betring av

- økonomistyringa, og meiner at det framleis må ha sterk fokus.
4. Kontrollutvalet ber om at alle krav i kommunelova §14-7 blir med i årsmeldinga frå neste år, men meiner likevel at årsmeldinga for 2021 kan godkjennast.
 5. Kontrollutvalet har motteke brev frå revisor om feil i utrekninga av arbeidsgjevaravgift.

Samandrag

Føretaket har hatt vesentleg betring av det økonomiske resultatet i forhold til 2020. Selskapet har teke Kontrollutvalet si oppmoding til å betre økonomistyringa alvorleg og vil halde fram med arbeidet.

Faktaopplysningar

Ny kommunelov og ny forskrift om økonomiplan, årsbudsjett, årsrekneskap, årsmelding gjeld frå 2020.

Selskapet som har 10 tilsette, driv med produksjon, sal og distribusjon av mat frå kjøkken i Florø. Hovudaktiviteten er matlevering til:

- institusjonar og omsorgstrengande heimebuande innbyggjarar i Kinn Kommune
- mannskap på 42 ferjer i Fjord1, Norled og Boreal

Økonomi- og personal-tenester blir kjøpt frå kommunen.

Kontrollutvalet har motteke brev frå revisor om bruk av for lav prosentsats og dermed for lite kostnadsført arbeidsgjevar-avgift. Revisor meiner at beløpet dette utgjer ikkje er vesentleg for vurderinga av rekneskapen og er derfor ikkje korrigert i 2021. Avviket blir kostnadsført i 2022.

Dagleg leiar og evt. styreleiar blir i møtet i Kontrollutvalet for å orientere og å svare på spørsmål.

Revisjonsmeldinga

Revisor sin konklusjon om rekneskapen:

Rekneskapen er gitt i samsvar med lov og forskrift og gir i det alt vesentlege ei dekkande framstilling av den finansielle stillinga til Bordgleder Kinn Kommune KF per 31. desember 2021, og av resultatet for rekneskapsåret som er i samsvar med lov, forskrift og god kommunal rekneskapsskikk.

Revisor konkluderer slik om andre lovmessige krav:

1. Leiinga har oppfylt plikta si til å sørgje for ordentleg og oversiktleg registrering og dokumentasjon av føretaket sine rekneskapsopplysningar i samsvar med lov og god bokføringsskikk.
2. Årsmeldinga inneheld dei opplysningane som lov og forskrift krev og opplysningane om økonomi i årsmeldinga stemmer overeins med årsrekneskapen.
3. Revisor er ikkje kjend med forhold som gir grunnlag for å tru at årsmeldinga ikkje gir dekkande opplysningar om vesentlege budsjettavvik.

Årsrekneskapen

Selskapet har hatt omsetningsauke på 1,6 mill., som utgjer 6,1 %. Det er eit avvik

mellom sum salgsinntekter i rekneskapen og årsmeldinga med kr. 235 807.

Årsrekneskapen er gjort opp med eit positivt netto driftsresultat på kr 530 301. Dette er kr. 375 000 betre enn budsjettet på 155 000. I 2020 var driftsresultatet negativt med kr 74 894. I 2019 var overskotet på kr 159 783.

Bruttofortenesten (salgsinntekter minus posten kjøp av varer og tenester) er stabil på ca. 32 % av salgsinntektene, både i rekneskapa for 2021, 2020 og i budsjettet for 2021. Også lønnsandelen (lønn og sosiale kostnader i prosent av salgsinntektene) er stabil med 30-32 %.

Overskotsgraden/resultatandelen (resultatet i prosent av salgsinntektene) utgjør 2,1 % i 2021, mot budsjettet 0,66 % og minus 0,31 % av salgsinntektene i 2020. I 2019 var dette nøkkeltalet positivt med 0,89 %. I 2018 var overskotsgraden vesentleg betre med 4,2 %.

Den kommersielle delen av salget har auka frå 54,2 til 61,5 %, note 18.

Det er gjort oppgraderingar på kjøkkenet og kjøpt ny bil med til saman 370 000.

Disposisjonsfondet er på kr 1,2 mill. pr. 31.12.2021. Disposisjonsfondet utgjør 4,8 % av driftsinntektene. Selskapet har som mål at disposisjonsfondet er nærare 8 % av driftsinntektene.

Selskapet har ikkje langsiktige lån.

Årsmeldinga

Sjukefråværet er 7,1 %.

Årsmeldinga gir eit godt oversyn over aktiviteten og utfordringane i 2021. Styret er godt fornøgd med dei økonomiske resultatet. Styret informerer at det har vore fokus på forbetringa av økonomistyringa, slik det går fram av Kontrollutvalet sin uttale for 2020. Det er bra. På grunnlag dei problemstillingane knytt til økonomi som nemnd i årsmeldinga, meiner vi at selskapet si leiing framleis bør ha stort fokus på den totale økonomistyringa framover.

Styret kommenterer at det ikkje er god nok oversikt over økonomien og peikar på rekneskapsavdelinga i kommunen som årsak til dette. Kommunedirektøren er varsla. Vi oppmodar begge partar om å bidra til fullgod oversikt over økonomien og snarleg etablering og praktisering av gode rutinar.

Leiinga vil jobbe vidare med å finne meir eigna lokalar.

Alle forhold i kommunelova § 14-7 bør innarbeidast i styremeldinga frå neste år.

§14-7 er teke inn nedanfor. I lovteksten er det brukt nemninga «årsberetning» sidan kommunelova er skriva på bokmål.

«§ 14-7. Årsberetning

Kommuner og fylkeskommuner skal utarbeide en årsberetning for kommunens eller fylkeskommunens samlede virksomhet. Det skal også utarbeides en egen årsberetning for hvert kommunalt eller fylkeskommunalt foretak.

Årsberetningene skal redegjøre for

- a) forhold som er viktige for å bedømme den økonomiske utviklingen og stillingen,
og om den økonomiske utviklingen og stillingen ivaretar den økonomiske

handleevnen over tid

- b) vesentlige beløpsmessige avvik mellom årsbudsjettet og årsregnskapet, og vesentlige avvik fra kommunestyrets eller fylkestingets premisser for bruken av bevilgningene
 - c) virksomhetens måloppnåelse og andre ikke-økonomiske forhold som er av vesentlig betydning for kommunen eller fylkeskommunen eller innbyggerne
 - d) tiltak som er iverksatt og tiltak som planlegges iverksatt for å sikre en høy etisk standard
 - e) den faktiske tilstanden når det gjelder kjønnslikestilling
 - f. hva kommunen eller fylkeskommunen gjør for å oppfylle arbeidsgivers aktivitetsplikt etter likestillings- og [diskrimineringsloven § 26](#).
- Årsberetningene skal avgis senest 31. mars.

Endret ved [lov 21 juni 2019 nr. 57](#) (ikr. 1 jan 2020 iflg. [res. 21 juni 2019 nr. 776](#)).»

Styret i Bordgleder Kinn Kommune KF si behandling av årsrekneskapen og årsmeldinga

Dokumentasjon for styret si behandling er etterspurt, men ikkje motteke.

Avslutning

1. Revisor stadfester at årsrekneskapen er gitt i samsvar med lov og forskrift, og gir ei dekkande framstilling av den finansielle stillinga til føretaket per 31.12.2021 og av resultatet for rekneskapsåret i samsvar med lov, forskrift og rekneskapsstandardar
3. Revisor har ingen merknad til den framlagde årsrekneskapen og årsmeldinga for 2021
4. Vi meiner at årsmeldinga ikkje inneheld alle krav til informasjon som kommunelova §14-7 stiller. Foretaket må innarbeide desse i framtidige årsmeldingar
5. Kontrollutvalet har motteke brev frå revisor om for lite kostnadsført arbeidsgjevaravgift

Vedlegg i saken:

- 1 Revisjonsmelding for årsrekneskapen 2021
- 2 Rekneskap 2021
- 3 Årsmelding
- 5 Nummerert brev nr 1 2022 - Bordgleder Kinn kommune KF